



REPUBLIKA E SHQIPËRISË
MINISTRIA E ARSIMIT, SPORTIT DHE RINISË
AGJENCIA KOMBËTARE E KËRKIMIT SHKENCOR DHE INOVACIONIT
BORDI I ADMINISTRIMIT

Nr. 158 Prot.

Tiranë, më 04 / 02 /2021

VENDIM

Nr. 3 Datë 03.02.2021

PËR HAPJEN E THIRRJES PËR

**“SHPREHJE INTERESI PËREKSPERTË TË KOMISIONEVE TË VLERËSIMIT TEKNIK
TË PROJEKTEVE NË AGJENCINË KOMBËTARE TË KËRKIMIT SHKENCOR DHE
INOACIONIT (AKKSHI)”**

Bordi i Administrimit të AKKSHI-së, bazuar ne Ligjin Nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë"; Ligjin Nr. 8480, datë 27.05.1999 "Për funksionimin e organeve kolegjale të administratës shtetërore dhe enteve publike"; VKM Nr. 607 datë 31.08.2016 "Për krijimin, përbërjen, organizimin dhe funksionimin e Agjencisë Kombëtare të Kërkimit Shkencor dhe Inovacionit (AKKSHI)", Urdherit nr.10 datë 15.01.2021 "Për ngritjen e Bordit të Administrimit të Agjencisë Kombëtare të Kërkimit Shkencor dhe Inovacionit (AKKSHI)", në mbledhjen e datës 03.02.2021, pasi mori në shqyrtim situatën e komisioneve të vlerësimit teknik të projekteve,

VENDOSI:

1. Miratimin e hapjes së thirrjes për "Shprehje interesi për ekspertë të komisioneve të vlerësimit teknik të projekteve në Agjencinë Kombëtare të Kërkimit Shkencor dhe Inovacionit (AKKSHI)" sipas dokumentit bashkëngjitur.
2. Ngarkohet AKKSHI për zbatimin e këtij vendimi.

Ky Vendim hyn në fuqi menjëherë.

BORDI I ADMINISTRIMIT

Znj. Evis KUSHI

Kryetar

Z. Skender TOPI

Anëtar

Znj. Zamira GJINI **Anëtar**



Znj. Ines MUÇOSTEPA **Anëtar**



Z. Elvin GJEVORI **Anëtar**



Znj. Eva BICA **Anëtar**



Shenim: Z. Shaban SINANI nuk ishte i pranishëm në këtë mbledhje.



REPUBLIKA E SHQIPËRISË

**MINISTRIA E ARSIMIT, SPORTIT DHE RINISË
AGJENCIA KOMBËTARE E KËRKIMIT SHKENCOR DHE INOVACIONIT**

THIRRJE

PËR

**“SHPREHJE INTERESI PËR EKSPERTË TË KOMISIONEVE TË VLERËSIMIT
TEKNIK TË PROJEKTEVE NË AGJENCINË KOMBËTARE TË KËRKIMIT
SHKENCOR DHE INOVACIONIT (AKKSHI)”**

Në zbatim të ligjit Nr. 80, datë 22.07.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, të Vendimit Nr.607, datë 31.08.2016 të Këshillit të Ministrave “Për krijimin, përbërjen, organizimin dhe funksionimin e Agjencisë Kombëtare të Kërkimit Shkencor dhe Inovacionit (AKKSHI) dhe të Vendimit Nr. 567, datë 23.10.1995, të Këshillit të Ministrave “Për shpërblimin e Këshillave, Komisioneve dhe Ekspertizave të Veprimtarisë Shkencore e Teknologjike”, AKKSHI shpall thirrjen për aplikim për ekspertë të Komisioneve të Vlerësimit të projekteve sipas fushave të mëposhtme:

1. Agrikulturë, Ushqim dhe Bioteknologji
2. Biodiversitet dhe Mjedis
3. Uji dhe Energjia
4. Shkenca Sociale dhe Albanologjike
5. Shëndetësi
6. Sisteme dhe Teknologji Informacioni

Kriteret për aplikim

Aplikantët duhet të plotësojnë kriteret e mëposhtme:

1. Të kenë të paktën gradën shkencore “Doktor” në fushën përkatëse apo të ngjashme me të.
2. Të kenë përvojë në kërkim shkencor dhe projekte të kërkimit shkencor.
3. Zotërimi i titujve akademikë përbën përparësi.
4. Të mos jenë në pozicione drejtuese në institucionet përkatëse.
5. Të kenë njohuri të mira të gjuhës angleze.

Dokumentacioni për aplikim

Aplikantët duhet të dorëzojnë në AKKSHI dokumentacionin e mëposhtëm:

1. Shprehjen e interesit lidhur me motivimin dhe ekspertizën që ofron si kërkues shkencor, pjesëmarrës në projekte apo dhe vlerësues projektesh.
2. Curriculum Vitae ne shqip (formati Europass).
3. Kopje të diplomës së gradës shkencore/titullit akademik që zotëron.
4. Kopje të kartës së identitetit.
5. Vetëdeklarim që aplikanti nuk është pjesë e organeve drejtuese në institucionin përkatës.

Adresa ku do të dërgohet aplikimi

Aplikantët duhet ta dorëzojnë dokumentacionin përmes postës zyrtare pranë zyrave të AKKSHI në adresën: Rruga “Naim Frashëri”, Nr.37, Tiranë.

Ose

Kopje e printuar, firmosur dhe skanuar (format pdf), dërguar ne adresen elektronike te AKKSHI-se: info@nasri.gov.al

Afati i aplikimit

Afati përfundimtar i dorëzimit të dokumentacionit të aplikimit është **data 10.03.2021.**

Informacion shtesë

Aplikantët e shpallur fitues si Ekspertë të Komisioneve të Vlerësimit nuk mund të jenë pjesë e grupeve të projekteve të kërkimit që vlerësohen në AKKSHI.

Ekspertët e Komisioneve të Vlerësimit të AKKSHI paguhën sipas dispozitave të Vendimit Nr. 567, datë 23.10.1995, “Për shpërblimin e Këshillave, Komisioneve dhe Ekspertizave të Veprimtarisë Shkencore e Teknologjike”.